



## জলবায়ু পরিবর্তিত হচ্ছে। এখন সময় খাপ খাওয়ানোর।

যদি আপনার বাড়ি কখনো ঝড় বা বন্যায় ক্ষতিগ্রস্ত হয়ে থাকে, বা আপনার এলাকায় খরার কারণে আপনাকে বেশি মূল্য দিয়ে খাবার কিনতে হয়, তাহলে আপনি জলবায়ু পরিবর্তনের কঠিন বাস্তবতার স্বাদ পেয়েছেন। একটি অধিকতর উষ্ণ পৃথিবী লাখ লাখ জীবন ও বসতবাড়িকে হুমকীর মুখে ফেলতে পারে, বাস্তুতন্ত্র, কৃষি, পরিষ্কার পানি ও মানব জীবনের জন্য প্রয়োজনীয় অন্যান্য ব্যবস্থাকেও গভীর সংকটে ফেলতে পারে।

তবে আপনি যদি জানেন যে খারাপ সময় আসছে আর সেজন্য প্রস্তুতি নিতে থাকেন তাহলে বিশেষজ্ঞদের ভাষায় আপনি খাপ খাওয়ানো ও প্রতিরোধ গড়ে তোলার প্রক্রিয়ার মধ্যে আছেন।

“পরিবর্তনশীল জলবায়ুতে খাপ খাওয়ানোর ব্যাপারে - যুক্তরাষ্ট্র বাকী বিশ্বকে সাহায্য করার জন্য গভীরভাবে অঙ্গীকারবদ্ধ - বিশেষ করে দরিদ্র ও ঝুঁকিপূর্ণ জাতিগুলোকে,” সেক্রেটারি অব স্টেট জন কেরি বলেছেন।



২০১৪ সালের শেষ দিকে টাইফুনের ঢেউ ফিলিপাইনসকে গুড়িয়ে দেয়। জলবায়ু প্রতিরোধের লক্ষ্য হচ্ছে কমিউনিটিগুলোকে এরকম শাস্তির পর টিকে থাকতে সাহায্য করা। (© এপি ইমেজেস)

জুন মাসের ৯ তারিখে, কেরি এবং হোয়াইট হাউস ঠিক এই কাজটির জন্যই ৩৪ মিলিয়ন ডলার ব্যয় করার ঘোষণা দেয়। ইউএস, যুক্তরাজ্য এবং বেশ কিছু বেসরকারি খাত ও এনজিও পার্টনার

তাদের অভিজ্ঞতা ও সম্পদ প্রদানের মাধ্যমে বিশ্বব্যাপী কমিউনিটিগুলোকে উষ্ণতর বিশ্বের জন্য প্রস্তুত করবে।

ইউএস অনুদানের মধ্যে আছে:

- Peace Corps ও AmeriCorps একটি স্বেচ্ছাসেবি জলবায়ু প্রতিরোধ কর্প বা সংঘ তৈরি করবে
- নাসা বৈজ্ঞানিক উপায় প্রদান করে জলবায়ুর পরিবর্তনের প্রভাব অনুমান করবে, যা এই পরিবর্তনের সাথে খাপ খাওয়াতে দেশগুলোকে কতখানি সচেতন হতে হবে তা নির্দিষ্ট করতে সক্ষম করবে।
- সমুদ্রপৃষ্ঠের উচ্চতা বৃদ্ধিতে উপকূলীয় দালান কোঠা ও অবকাঠামোকে সুরক্ষা দেবার জন্য NOAA কমিউনিটিগুলোকে যন্ত্রপাতি প্রদান করবে।

পার্টনার বা অংশীদারদের ভাষায় এই “জলবায়ু সেবাসমূহ”, “মানুষের জন্য তাদের নিজেদের ভবিষ্যতকে নিয়ন্ত্রণ করা সহজ করে দেবে,” কেরি বলেন।

“পরিবর্তনশীল জলবায়ুতে খাপ খাওয়ানোর ব্যাপারে  
- যুক্তরাষ্ট্র বাকী বিশ্বকে সাহায্য করার জন্য  
গভীরভাবে অঙ্গীকারবদ্ধ।” - সেক্রেটারি অব  
স্টেট জন কেরি

অন্যান্য অংশিদারী অনুদানের মধ্যে আছে:

- ঝুঁকি ব্যবস্থাপনা ও মানবাধিকার রেসপন্স অভিজ্ঞতা (রেড ক্রস, ইন্টারন্যাশনাল ফেডারেশন অব রেড ক্রস ও রেড ক্রিসেন্ট সোসাইটি)।
- উন্নয়ন পরিকল্পনার জন্য ঝুঁকি মূল্যায়ন ও বিশেষজ্ঞের পর্যালোচনা (আন্তর্জাতিক ব্যাংকসমূহ)
- বিশাল ইন্টারনেট ক্লাউড সংরক্ষণের জায়গা যেখানে জলবায়ু পরিবর্তনের আনুমানিক চিত্র সংক্রান্ত বৈজ্ঞানিক তথ্য থাকবে এবং সেখান থেকে মানুষ তথ্য সংগ্রহ করতে পারবে (গুগল)।

হোয়াইট হাউসের একটি ফ্যাক্ট শীট অনুযায়ী, পার্টনারশীপ বা অংশীদারদের প্রাথমিক মনোযোগ থাকবে কনাস্বিয়া, ইথিওপিয়া ও বাংলাদেশের প্রতি, এর সাথে থাকবে একটি নিখাঁদ জলবায়ু-সেবার পরিকল্পনা যা প্রযোজ্য অঞ্চলে বাড়িয়ে নেয়া যাবে।